



Nuuk 12. august. 2026

## **Paasissutissiilluni allagaqaat — Sanaartornermut malittarisassat nutaat**

Sulisitsisut sanaartornermut ataatsimiititaliaata sanaartornermik suliaqartut teknikkikkullu siunnersortitut sulisut qanimut suleqatigalugit Sanaartornermi malittarisassat nutaat 2024-mi (BR24) piffissami sivilisuumi sammisimavaat. 2024-mi tusarniaanerp nalaanili suliaqarfimmit siunnersuut pillugu arlalinnik oqaaseqaateqarpoq.

Sanaartornerup pisariaqanngitsumik akisunerulernissaa sanaartornerullu pisariunera ernumagineqartuaannarsimapput.

2026-mi upernaakkut Sulisitsisut Ineqarnermut, Attaveqarnermut Nunallu immikkoortuinut Naalakkersuisoqarfimmit BR24-mut missingiut nutartikkat kiisalu naalakkersuisoqarfiup suliaqarfimmi tusarniaanermi akissutaa pissarsiaaraat. Tamatuma kingorna suliaqarfimmi ataatsimiititaliat suliaqarfik ilutsinni ataatsimiinnerit, suliamik oqaloqatigiissuteqarnerit aamma naalakkersuisoqarfimmi ataatsimeeqateqarnerit aqutigalugit paasissutissat misissorpaat.

Siunnersuut nutartigaq arlalitsigut naleqqussaavoq, ilaatigut anorip aputillu sakkortussusiannut piumasaqaatit (qajannarsiffissat angissusiannut pingaaruteqartut) eqqarsaatigalugit, tassani siunnersuutitut siullernut naleqqiullugu oqilisaanerit pitsaanerusumillu immikkoortitsinerit pineqarput.

Upernaaq manna Sulisitsisut Dansk Industri Byggerimit (DI Byg) siunnersuiffigineqarput, taakkuami danskit sanaartornermut malittarisassaat BR18 misilittagaqarfisimavaat. BR24 BR18-ip tunngaviumik aqqissuussaanerata assinganik tunngaveqarpoq, annikinneruvorli tamatigullu assigiinngitsunik piumasaqaateqarluni. DI Bygimit misilittakkat ingammik atorluarsinnaapput illussanik titartaasartut akuersisummik tunineqartarnerannut kiisalu kingornatigut sanaartukkanik napatitsisunik suliarinninnermi nakkutilliinermut atatillugu, tassani suliaqarfimmi sulii ernummatigineqarpoq piumasaqaatit oqimaappallaalernissaat ajornakusoorpallaalernissaallu. Ernumassutit upernarsarneqarput – Danmarkimi akuersisummik tunisineq suliarinninnermilu nakkutillineq unammillernartortaqaarmata. Juunip naanerani suliaqarfimmi ataatsimiititaliat ataatsimut allagaq naalakkersuisoqarfimmut tunniuppaat. BR24-mi unammilligassat sammiinnarnagit aammali pitsaasunik siunnersuuteqarneq siunertaavoq. Periaaseq tamanna ilassilluarneqarpoq, suliarlu iluatsilluarpoq.

Allakkani ilaatigut sanaartornermik nakkutilliisut akuersisummik tunineqartarnerat suliarineqartullu misissorneqarnerat pillugit oqaaseqaateqarpoq siunnersuuteqarlunilu. Suliassaqaarfinni ataatsimiititaliat aqqiissutissatut pingasunik tulleriiarillutik innersuussipput. Siullermik: Akuersissutitik tunisisarneq tamarmi, DS 1140 aamma SBI 271 atorunnaarsinneqarlunnassaaq. Aappasaanik: Akuersissutitik tunisisarneq sanaartornermik nakkutilliinermut aqqissuussamik Kalaallit Nunaanni akuerineqartumik taarserneqassaaq, sanaartugassanik suliaqartunut nakkutigineqarnissamik pilersaarusiortoqarluni. Pingajussaanik: Akuersissutitik tunisisarneq taamaallaat KK4-mut killilernerneqassaaq, SBI 271 atorunnaarsillugu, aammalu DS 1140 taamaallaat KK4-mi atuutissasoq tigusiinermi misissuineri suliarineqarneranilu misissuineri.

Aammattaaq allakkani eqqaaneqarput nukimmik sipaarniarluni iluarsaassineri iliuuserineqartussat, aallaqqaammut namminersortut ilaginnginnissaat siunnersuutigineqarpoq, silaannarissaat, ikuallattoornermut, illunut isugutattunut tunngasuni immikkoortuni annertuumik naqqiinerit, tassani siunnersuutigineqarlutik ataatsimoorluni najoqqutassiat kommunillu sanaartornermik ingerlatsinerani ullumikkut ajornartorsiutaasutut isigineqartut pillugit suleqatigiinnissaq. Ataatsimut sammeneqartoq tassaavoq najoqqutassianik aqqiissutissanillu akuerineqareersunik pisariaqartitsisoqartoq, taamaalluni upernarsaatit pitsaassuseq ajoquteqanngivillugu annikillisarneqarsinnaammata. Tamanna aamma atuuppoq sanaartornermik

ingerlatsinermut, tassanilu pingaaruteqarpoq sanaartornermut oqartussat BR24-mik ataasiussuseqarlutik sunniuteqarluartumillu aqutsinissamut piginnaaneqarnerat ersarissumillu sinaakkuteqarnissaat.

Sulisitsisut suliaq qanimut malinnaaffigiuarpaat, naalakkersuisoqarfillu nalunaarutigaat naleqqussaanerit, ilitersuutissat aaqqiissutissallu akuerineqareersimasut pillugit sulinerup nanginneqarnerani peqataarusullutik. Siunertaavoq BR24-p suliarineqarnissaa sanaartornermi pitsaassutsumik pitsanngorsaasumik Kalaallit Nunaannilu pissutsit piviusut eqqarsaatigalugit.

Kiisalu: Apeqqutaalerpoq sanaartornermut malittarisassat nutaat qaqugu akuerineqarumaarnersut. Akissutissaq tassaavoq naluarpur. Sulisitsisut peqqissaartumik annertuumillu suliaqarput tigulluarneqarsimasumik. Oqaloqatigiilluartoqarpoq, peqataaqqinnissamullu imminut qaaqqusimavugut.

Qanoq ilinerani atuutilernissaa pingaarutilimmillu allamik paasisaqarutta uterfigeqqikkumaarpassi.

Paasisaqarnerorusukkuit attaveqarfigiuk: Sanaartornermik Ataatsimiititaliat allattaa Jesper Johannesen, oqarasuaat 52 63 64, mail: [jesper@ga.gl](mailto:jesper@ga.gl)